

დ რ მ ე ბ

სურათებიანი დამატება

გაზეთის № 53.

კვირა, 8 მარტი 1909 წ.

დამატების № 10.

ე ნ ი ს ტ ო ლ ე
(შეზენკოსი)

მამულიშვილნო,
შკერდს მიისვენეთ
ღარბ-საწყალო
ძმა-შეგობარო!

დედა საბრადო
კვლავ განახრეთ,
თვალსა შეუშრეთ
ტრემლი მდუღარო!

იგი დაღობავს
თვის ერთგულ-შვილებს,
ცად დაკურებულს
ადაპურებს ხელებს!

დიდი ხნის ტანჯვა,
უკმესთა რისხვა
წავა, გაჭქრება
დაგვაფიქვება;

და უკრანის
ძველი დიდება
კვლავ განახლდება,
შკერდეთით ადგება!
ა. შანშიაშვილი.



ეკატერინე ბაბაშვილისა

ყურადღებას ითხოვდნენ მისგან სამეფო
და სახელმწიფო საქმეები, რადგან საშინელი
განზრახვა გამოქვეყნდა, საზარელი
შეთქმულობის კვალი ამოჩნდა, რომელ-
საც შეეძლო წაეღეკა მთელი ნაშრომ-
ნადვარი როსტომ მეფისა და აღეგავა
თვით იგიც პირისაგან ქვეყანისა.

დედოფალიც და ბევრი კარის-კაციც
შეაძრწუნა ამ საზარელმა ამბავმა, რადგან
ეშინოდათ მათთვისაც არ მოეცხოთ
მწიკვლი რამე, იგინიც არ ჩაეტანათ შიგ
და არ დაეღუნათ. მართალია, საკუთარის
გრძნობით გატაცებული მეფე ჯერ ღირ-
სეულ ყურადღებას ვერ აქცევდა ამ შესა-
ნიშნავ გამჟღავნებას, მაგრამ მეფის მახ-
ლობელნი მაინც დიდ უბედურების მო-
ლოდინში იყვნენ: კარგად იცოდნენ, რომ
როსტომი გონს მოვიდოდა, ძალუმად
შეიშმუშნებოდა, ვაჟკაცურად შეებრძო-
ლებოდა გასაქირს და მესხ დასცემდა
ყველას, ვინც კი მონაწილე აღმოჩნდებოდა
ამ შეთქმულებაში.

და ვინ იყო ეხლა დარწმუნებული,
რომ მონაწილეები ამ შეთქმულებისა გა-
ქირებაში უნებლიეთ არ დაასახელებენ
თავიანთ თანამოაზრეებს და ან განზრახ
არ ჩაიტანენ სხვებს, რომ გადაბრალებით
მცირედ მაინც შეემსუბუქებინათ თავიანთი
დანაშაული და სასჯელი?

ამ შეთქმულობის მოთავენი და მომწყობნი ყოფილიყვნენ
ქათალიკოსი ევდომოზ დიასამიძე, გიორგი გოჩაშვილი,
არაგვის ერისთავი ზაალ, იოთამ ამილახვარი და ნოდარ ცი-
ციშვილი. ლალატს აზრდა ჰქონდა ისევ თეიმურაზ მეფის
დასმა საქართველოს სამეფო ტახტზე, ხოლო როსტომ მე-
ფის და მის თანამშრომლების ერთის დაკვრით დამხობა და
ამოწყვეტა: შეთქმულობა ისე მოხერხებულად ყოფილიყო
მოწყობილი, რომ უსათუოდ მიადწევდა თავის მიზანს, თუ
შემთხვევით არ გამოქვეყნებულყო.

როსტომ მეფე დროზე გამოფხიზლდა, მარჯვედ მოიაზ-
რა გეგმა მოქმედებისა, გაანდო საქმის ვითარება თავის სარ-
დალს იორამ სააკაძეს და ისე სწრაფად და მოულოდნელად
მოველინა რიდე ჩამოფარებულ მტრებს, რომ მთლად დააბ-
ნია იგინი. შეთქმულები ტყვედ ჩაუვარდნენ როსტომს. დე-
დოფალი შიშმა აიტანა, უთუოდ გამცემნო, ევდემოზი და
გოჩაშვილი. ბევრი სხვაცა ძრწოდა, ვისაც კი რამე კავშირი
ჰქონდა შეამბოხებთან.

იორამ სააკაძემ ისარგებლა ამ მარჯვე შემთხვევით და
შეთქმულებთან ერთად რამდენიმე თავისი პირადი მტერიც

სახიფათო სიყვარული

სტორიული მოთხრობა

(შემდგომი *)

29.

მეფე ძლიერ შეწუხდა ქალის დაკარგვის ამბავზე, შემ-
ძიმდა. საკვირვლად იმატა გრძნობამ, რაკი უცნაური და უძ-
ლეველი დაბრკოლება გადაეღობა წინ და ისეთი ცხოველი
შეიქმნა, რომ დაიმონავე ვაჟკაცი; ყველაფერი დაავიწყა,
ყველაფერზე გული ააცრუებინა. არას ამბობდა, მისი გული
ცხრა კლიტურში იყო ეხლა ჩაკეტილი, მაგრამ გამოცდილი
თვალი კარგად ხედავდა ვაჟკაცის უზომო ტანჯვას.

სწორედ ეხლა კი უფრო საჭირო იყო როსტომისათვის
მეფური სიბრძნე და გამჭრიახობა, სწორედ ეხლა კი მეტს

*) იხ. დამატება № 8.



უკრაინელთა პოეტი მხვინჯაძე

დაღუბა. დააბატონრეს ყაფლან არსიანელიც. უნდოდათ თავი მოეკვეთათ, რადგან დაუმტკიცდა, რომ წინათ მოღალატეებთან მისვლა-მოსვლა და კავშირი ჰქონდა, მაგრამ მეფემ შეუმსუბუქა მას სასჯელი: დაბატონრება მიუსაჯა თანაც ციხეში კი არ ჩამწყვდევინა ის, თავის საკუთარ სასახლეში დააბატონრა, სასახლის ერთ-ერთ საკანში. ესეთი აღმოჩნდა მეფის შეურყეველი ნება. მთელი სარჩო-საბადებელი შეთქმულებისა აკლებულ იქნა ან სახელმწიფოთ დაიდო.

30.

ფარნაოზმა კარგად მოიფიქრა, როგორ უნდა აესრულებინა თავისი განზრახვა. მისი აზრის შესრულება მით უფრო ადვილი იყო, რომ ქალის მხრივ არავითარ დაბრკოლებას არ ელოდდა: დარწმუნებული იყო ტასიკო აღტაცებით მიიღებდა მის აზრს და შეეშველებოდა კიდევ მას, ხელს შეუწყობდა.

ეს იყო მიზეზი, რომ ყმაწვილმა დარდი გადიყარა გულიდან და მხიარულად დაადგა გზას. მიდიოდა, მიიმდებოდა, მიაქროლებდა, გზა გრძელი ეჩვენებოდა, მოთმინება ელეოდა.

ჯერ ნახევარი გზაც არ გაეგლო ფარნაოზს, რომ წინ კაცი შემოეყარა და ძნელი ამბავი მოუტანა: ბატონიშვილი ტასიკო უგეშოდ დაიკარგაო, თითონ ბატონი ყაფლანი დააბატონრეს, რადგან შეთქმულობის მონაწილედ დასახესო; ელდაზე ქალბატონი ლოგინად ჩავარდაო; დაიღუბა არსიანელი განთქმული ოჯახიო. ფარნაოზს ურჩევდნენ თავს გაფთხილებოდა, რომ იმასაც ყაფლანის ბედი არა სწეოდა.

მდუღარება გადაესხა ფარნაოზის გრძობათა ყვაილს და ჩააფიქრა გაუფურჩქნავი; მის ადგილას აღმოცენდა ეკალი სევდისა და გულს ეგმირა გესლიანი. გული რომ დაელახვრა ვაჟს, ხალისიც მოესპო; აზრთა დენა შეეყინა, გონება გაუქვავდა. უბედურებამ დაიმონავა იგი, დააძაბუნა, სული ამოჰხადა, ხეს რასმე დაამსგავსა, გრივალისაგან მოფშენტილს.

ამ რამდენიმე კვირის წინ რომ სავესე ოჯახი დასტოვა,

დოვლათით, სიყვარულით, სიხარულით და ყოველივე კეთილით მოპირთავებული, ეხლა გაციებულნი კერა და მოელის, სადაც ფრთა გაუშლია შავ-ბნელ უბედობას; წინად რომ ოჯახი ნაკურთხი იყო და ძალ-ღონით სავესე, სიცოცხლით აყვავებული, მიმზიდველი, საამური, ეხლა გაბღვნილი და ეგლო იგი ოჯახი, გაბასრული, გავერანებული, სავალალო; აქამდის რომ ფარნაოზი უმცირესი წვერი იყო სახლისა, რომლისაგან არავინ არავითარ მზრუნველობას არა საჭიროებდა, ეხლა ის ერთად-ერთი ჭირისუფალი და შექმნილიყო დანგრეულის ოჯახისა, რომელიც მისგან და მოელოდა შევლას, ხელს აპყრობას, შურისძიებას.

მაგრამ რა არის ფარნაოზი ეხლა, ან რაღა შეუძლიან მას? მხოლოდ ერთი: შესწიროს თავისი თავი დანთქმულებს მათ შეიფარეს ჩჩვილი, გაუწიეს მშობლობა, აღზარდეს, დავაჟკაცეს; მათვე სახლში აღმოუჩნდა მას ბედის ვარსკვლავი და მათვე შესწირავს მათგანვე აღორძინებულ თავის სიცოცხლეს. მხოლოდ რა საარგებელს მოუტანს გამოუცდელი კაცი ამისთანა ძნელ შემთხვევაში? ბევრს არაფერს, სრულებითაც ვერაფერს...

„ტასიკო? იგი ხსნას მოელის ჩემგან ტყვექმნილი, შურისძიებას მოითხოვს შევიწროვებული, იქნება სისხლის აღებასაც მითვლის უკვე მოსთვლილი, მოშობილი... მესმის ხმა მისი განწირული, მიხმობს, მეძახის, მევედრება... სადა ხარ, სიყვარულო ჩემო უმანკო, საით მომესმის ხმა შენი ტკბილი? ნიავს მოაქვს სუნთქვა შენი სუნნელოვანი, გარნა არ ვიცი საიდან; ფოთოლოთ შრიალში მომესმის ფეხის ხმა შენი, გარნა ვერ მიმიკვლევია ნავალი; მეპკურება ცის ნამთან ცრემლი შენი, არ-კი ვიცი საიდან მომდინარეობს ის; მესმის გმინვა შენი უკუნი ღამის კენესაში, მაგრამ ვერ მი-აზრია სავანე შენი წყვილია. სადა ხარ, სიცოცხლეო ჩემო? საით გეძებო სატრფოვო ჩემო დაღონებულო? ქვეყნის პირს, თუ შავ მიწაში? ჰაერში გძებნო, ჰაეროვანო, თუ უკვე ზეცას სანატრელთა შორის, სანატრელო ჩემო? მითხარ, საით გადვიხარო, რა გზას დავადგე. მიმიზიდე შენკენ, მიმითვისე...“

სწორედ პირქვე იყო დამხობილი ყაფლან არსიანელის ოჯახი: დიასახლისი მკვდრის სახით იღვა ლოგინზე, ელდით წვეთ დაცემული, ხოლო გულის შემატკივარნი არ დასტრიალებდნენ თავს; სახლის თავი და ბატონი პატიმრად იყო და არც კი იცოდნენ, რომელ ხაროში ეგლო ის, ან კოშკში; გაეტაცნათ ქალი, ერთად-ერთი მემკვიდრე ყაფლანისა, და არავინ იცოდა, იყო და იგი სადმე ცოცხალი, თუ არა; მსახურ-მოახლეს თავი ეპოვნა და ყველაფრისათვის თავი მიენებებინა ან აეკლო; ყმები განზე გამდგარიყვნენ და ცივი ცნობის-მოყვარეობით იყურებოდნენ სასახლისაკენ; ნათესავ-ნაცნობები შემოჰფანტოდნენ, რადგან ოჯახს ორბივით დასტრიალებდა მეფის რისხვა, და ძრწოდნენ, მათაც არ მოჰხვედროდა მისი ბასრი ბრჭყალი.

ამისთანა მძიმე მდგომარეობაში, თავდადებული და თანაც გამოცდილი ადამიანი და მოაგვარებდა რასმე, შესძლებდა შეეფერხებინა მოზღვავებული უბედურება და დაესხნა სახლი საბოლოოდ წალექქვისაგან. აქ გულდასმით მოფიქრება სჭიროდა ყოველსავე წვრიმალს და სიფრთხილით გაკეთება. ფარნაოზი ეხლა ვერ გამოდგებოდა ამისთანა მძიმე გარეშობაში: არც მისი გული და გონება, არც მისი ნება მას აღარ ეკუთნოდნენ, მისი სული გამსკვალული იყო მხოლოდ ერთი მისწრაფებით, ხოლო ეს მისწრაფება იყო დაკარგულ სატრფოს ძებნა და გლოვა.

31.

არსიანელთ, გაკირვებულ მდგომარეობაში ძვირფასი ერთ-გულობა და დიდი უნარი გამოიჩინა მათმა მოურავმა თევ-

ლორე დაბილაშვილი. აკი ბოლოს თავისუფლება მიიღო არსიანელთაგან და საკმაო მამული *).

თევდორემ იქიდან დაიწყო, რომ გაანთავისუფლა ფარნაოზი ოჯახზე მზრუნველობისგან და გაამგზავრა დაკარგული ქალის საძებნელად; ავადმყოფ ქალბატონს მიუჩემა შესაფერი მოვლენი; მსახურები და მოახლეები თავის ძველ წესზე და ადგილზე დააყენა. ყმებს ბატონისადმი სამსახური გაახლეინა: სახლიის ჩარხი ისევ წაღმა აატრიალა. გარეგნობით ეხლა კაცი ველარკ კი შეატყობდა, რომ გული გამოქმული ჰქონდა სახლს, სულის ჩამდგმელები აღარა ჰყვანდა და უსულო რამ გვამს მიემსგავსებოდა შეფერილს.

შემდეგ თევდორე იმის საფიქრობელში შევიდა, როგორმე მოეგო იორამ სააკაძის გული, რომ მისი შემწეობით სამართლიანობა მოელოთ არსიანელზე, არ აეოხრებინათ ის, როგორც ეს უყვეს სხვა მოღალატეებს. თევდორემ იცოდა, რომ ყაფლანს მეფის წინაშე არავითარი დანაშაული არ მიუძლოდა და სამართლის მიწყვაც დიდი ბედნიერება იქნებოდა მისთვის. ყაფლანი არ იყო მოღალატე და მისი სიმართლე ადრე თუ გვიან გამოიქვლივდებოდა. იმის იმედიცა ჰქონდა თევდორეს, რომ ფარნაოზმა და იმან დიდი ღვაწლი დასდეს სამეფო საქმეს, დიად ძვირფასი ცნობები შეუკრიბეს მეფეს და იმ იმედით წამოვიდნენ, რომ საათბაგოს დაპყრობა და შემოერთება სულ ცოტა ხანში შეიძლებოდა მოხერხებულიყო და არც დიდ მსხვერპლს მოითხოვდა. თევდორემ წესზე მოიყვანა ყველა ცნობები, რაც კი შეეკრიბათ იმათ; ისე ანუსხა ყველაფერი, თითქო თავის ბატონს სამოურაოს ანგარიშს აბარებდნენ, და მიართო იორამ სააკაძეს.

საკაკაძემ გულდასმით გადაათვალიერა ყოველივე, მოუსმინა ნანახი და გაგონილი და ძალიან მოუწონა აზრიანი მსჯელობა. გამოცდილმა სარდალმა ერთის თვალის დაკვირვით დაათვა საეკრებილი ცნობები.

— შენ ხომ მოხერხებული და ჭკვიანი კაცი ყოფილხარ, მაგრამ ფარნაოზიც ძალიან გამბედავი ჭაბუკი გამოდგა. არ მეგონა, თუ მართლად და მარჯვეთ შესარულელებით ამ სამძიმო და სახიფათო მონღობილობას, — უთხრა იორამმა და აღუთქვა მეფის წყალობა.

— დავალება მართლა და სახიფათო გახლდათ, ბატონო, მაგრამ ღმერთი გვფარამდა. მეუფო ჰფარვიდეს ჩვენს მეფეს და დაუმონოს უსჯულო! ცოდვა არ არის ის წმიდა ადგილები უსჯულოს ხელში! რა მშვენიერი ტაძრები, რა შეუვალი ციხეები და კოშკები, რა მდიდარი კუთხე საქართველოსი! მე სხვა იმისთანა არაფერი მინახამს, ქვეყანა კი დამივლია, — მოახსენა მოურავმა.

ბოლოს გაბედა თევდორემ და შეევედრა იორამს დახმარებოდა ბატონ ყაფლანს, ეგება არაფერი დაეშავებინათ

*) დაბილანთ ნაოხარი ეხლაც არის [სოფელ] კოდაზე. ნაცვლად ოდესმე დოვლათიან ოჯახისა ნახევრად გამხმარი კაკალი-ლა სდგა, ტოტებ მოფშენილი.

მისთვის, რადგან იცოდა მისი ცამდინ სიმართლე; იმაშიაც დარწმუნებული იყო თევდორე, რომ ქალის გადამალვაში მას არაფერი მონაწილეობა არ მიუღია, რომ სწორეთ ქალის დარღმა დასცა მთელი ოჯახი.

— არსიანელთ, მართალია, არ გაჰხარებიათ მეფე როსტომის სურვილი, მაგრამ არც წინააღმდეგნი ყოფილან და ყველაფერი თითონ ქალის ნებაზე მიუდგიათ. რაც შეეხება ფარნაოზს, ის მთლად მართალია ამ საქმეში. ფარნაოზი და მე მხოლოდ დაბრუნებისას გავიგეთ ქალის მოტაცების ამბავი. ეს საკვირველი ამბავი რაღაც საიდუმლო შემთხვევაა და შიგ ცხადთა სჩანს ძლიერი ხელი, — მოახსენა თევდორემ.

იორამი ყურადღებით ისმენდა თევდორეს საუბარს და აკვირდებოდა ყოველსავე მის სიტყვას. თევდორე ძალიან წაათამაშა ესეთმა მოპყრობამ და გაბედა:

— ბატონო! უნდა გავკადნიერდე და მოგახსენოთ ერთი საწყენი სიტყვა, მხოლოდ ნუ დამსჯით თავხედობისათვის.

— რა, კაცო, ისეთი რა უნდა მითხრა?

— სოფლად ხმა დადის, ვითომ მეფემ მოატაცებინა ის ქალი და სასახლეში ჰყავს. ყაფლანი რომ პასუხს აგვიანებდა, იმაზე გარისხდა მეფე.

— როგორა ჰბედამენ! შესძახა — იორამმა ტფეხზე წამოდგა, მაგრამ იქვე დამშვიდდა და განაგრძო:

— კარგი, რომ მითხარი! გადაეცი ყველას, ვინც მაგისთანა სისულელესა ყბედობს, რომ მეფე როსტომს არ ესაქიროება ფარული მოქმედება: ის პირდაპირ შესძლებს თავის სურვილის ასრულებას, თუ კი ინებებს! —

მაშ, თევდორე, შენ დარწმუნებული ხარ, რომ ქალის მოტაცებაში ხელი არა აქვს არც ყაფლანს, არც ფარნაოზს? შეეკითხა იორამმა ცოტა ფიქრის შემდეგ.

— დაქეშმარიტებით მოგახსენებთ! თუ ტყუილი აღმოჩნდეს ჩემი ნათქვამი, აჰა ჩემი კისერი და შენი ხმალი, — უთხრა თევდორემ და გაშლილი ხელის ყუა დაიღო წაწვდილ კისერზე.

იორამემ ხანგრძლივ შეხედა თევდორეს და ჩაფიქრდა. მიხვდა ის, რომ მართლა და ვიდასიც ძლიერი მარჯვენა მოქმედებდა აქ და არ ინდობდა არც მეფის სურვილს, არც არსიანელთ. მაგრამ ვინ უნდა იყოს მოქმედი ან რა აზრით უნდა მოქმედებდეს იგი? სააკაძე ყოველთვის თავს ევლებოდა მეფეს, თვალხმირად იყო, რომ მეფის გარემო სხვა რამ ძალა არ გაბატონებულიყო მის ნაცვლად, არ დაენთქა სარდალი, და ეხლა ეს იყო მიზეზი, რომ ამ ამბავმა ძალიან დააფიქრა ის.



ოპერ წინად ოპერ შემდეგ.

ქალაქ ბერლინში განთქმული ქირურგი ჟაკ ჟოზეფი ხელოვნურად ასწორებს ცუდად მოყვანილ, მახინჯ ცხვირებს. ჟოზეფი ისე ასრულებს ამ ოპერაციას, რომ მისი პაციენტი — ცუდი ცხვირის პატრონი — სულ მცირე ტკივილსა ჰგრძნობს. აქ დახატულია ცხვირები: მარცხნივ — ოპერაციის წინ, მარჯვნივ — ოპერაციის შემდეგ.

ბედმა ზურგი შეაქცია ფარნაოზს და ძნელ ყოფაში ჩააგდო. გული დაეცალა ვაჟკაცს, გაუშრა, გამოეფიტა. გაციებულიყო ვაჟი, გაყინულიყო, გაქვავებულიყო. აღარაფერი არ იზიდავდა მის არსებას. ქვეყანა ერთფერ რადმე ეჩვენებოდა, უაზროდ, მოსაწყენად. ველარ გაეგო, რად დაჰკაშკაშებდა ბადრი მთვარე შავ ღედამიწას, ან რად ათბობ - ანათებდა მას

ბრწყინვალე მზე. რად ხმარობდა სულდგმული, რად იძროდა ხალხი, მიღმოდოდა, უბნობდა.

ქალბატონი ლოგინად ჩავარდნილიყო, სახე მოჰკრეფოდა; რალსაც ეუბნებოდა ფარნაოზს, ევედრებოდა. ფარნაოზი დაჰყურებდა მას, ვერ კი ხელავდა; ვერც ის შეეგნო, რად იწვა ის. ესმოდა სიტყვა მისი, ვერ კი გაეგო, რას ეხვეწებოდა ან რად ემუდარებოდა.

იცოდა, რომ ყაფლან აღარ ტრიალებდა სახლში, მისი რიხიანი ხმა აღარ ისმოდა კარმიდამოში, პატიმარი იყო იგი უწყალო, გარნა მის გრძნობას არა ხვდებოდა ყოველივე ეს, მის ყურადღებას სცდებოდა ეს.

გული აღარ უცემდა მკერდ ქვეშ, სიბ ლოდად ქვეუღლიყო ის და ცხოვრების ხმა სხლტებოდა მასზე, ფეხს ვერ იკიდებდა. არც ერთი ცხოველ-ყოფილი სხივი, არც ერთი გამაცოცხლებელი ნაბი არ აღწევდა მის გულის სიღრმეს და არ ათბობ-ალაღებდა მას. გამეფებულიყო იქ წყვილი, ბნელი გარესკნელი. ციოდა იქ, ჰყინამდა. ეს სიბნელე და ყინვა მისის სულისა მხოლოდ ერთს რასმე ეუბნებოდა მას, ერთ რასმე ჩააგონებდა, ერთს მოაგონებდა:

„შენს სატრფოს, შენის გულის ჯერეთ გაუფურჩქნავ ყვავილს სიბნელე შემოჰხვევია გარს და სულს უგუბებს, ყინვას შეუბოძავს ის და დააზრობს. ქალი ხელს იწვდის შენკენ უფრსკულიდან, გევედრება, მზის სხივი მიაშუქო მის ჩაშავებულ ყოფას, ხელი აღუპყრო, იხსნა“.

და ეძებდა ფარნაოზი ტასიკოს, მოუწოდდა, ეძახდა.

გარნა შავბნელი ქალი ვერსაიდან ვერ აძლევდა მას გარკვეულ პასუხს. დადიოდა ვაჟაკი უაზროთ, უგზო-უკვლოთ, უიმედოთ. დაუტყობელ ძებნას მცირედაც ვერ მიეახლებინა ფარნა დაკარგულისათვის.

კარგმა ხანმა გაიარა ძებნაში. ფარნაოზმა თავიანთ მხარე შემოიარა; უფრო ბორჩალოში ეძებდა და განჯა-ყარაბაღისკენ, აქეთ ხომ არსაით გაჰყიდესო ქალი. ყოველსავე ცდამ ამოდ ჩაიარა. თითონ არსიანელთ ნაცნობი ბეგებიც შეწუხდნენ მათის უბედურობით, თითონ ისინიც ყველაფერში ხელს უწყობდნენ ფარნაოზს, მაგრამ ვერ ამოაჩინეს ვერც შორეული კვალი ქალისა.

იმედ მიხდელი ფარნაოზი ისევ იმ მწყემსებს დაუბრუნდა, რომლებსაც ქალის დაკარგვის დროს შეენიშნათ ხევში ორი ცხენოსანი. იმათ ფარნაოზს იგივე უთხრეს, რაც წინათ არსიანელთ, მხოლოდ ეს დასძინეს: თუ ის მგზავრები მართლა ქალის მომტაცებელნი იყვნენ, ვერ გაბედავდნენ ხევს ამოსცილებიყვნენ და ალგეთისკენ დაეხივნათ, რადგან იქით მხრიდგან ურმების აღალი მოდიოდა.

თუ ესე იყო, მაშ კოდის ხევს უნდა ჩაჰყოლიყვნენ მტაცებელნი, ეს ხევი კი კუმისის ტბის მიდამოებისაკენ უხვევს.

აქ გზას დაადგა ფარნაოზი და მალე დარწმუნდა, რომ სოფლიდან ერთადერთი შეუმჩნეველი გზა ეს ხევი იყო, რადგან ხევს და ხევის პირებს ლელი მოსდებოდა და მაყვალი. ხევი კუმისის ტბის ხრამებში და ფლატეებში თავდებოდა. ფარნაოზმა მოგლო აქაც ყოველივე სიღრმე, ყოველი ფლატე თუ მაყვლოვან-ლერწამიანი. ამოდ! არავითარი კვალი არ ამოჩნდა დაკარგულისა. გაჰყვა მტკვრისაკენ. აქ ერთ ღამეს ბაღში მოუნდა მას თავის შეფარება, მტკვრის პირას, ქარკაპების გადასწვრივ. საშინლად წვიმდა. მებღებებმა ისტუმრეს. მარანში გაათენა ღამე. იცნეს მგზავრი, მოისმინეს მისი გაჭირება. ერთმა მათგანმა უცნაური რამ ამბავი გაიხსენა, რომელსაც სწორეთ კავშირი უნდა ჰქონოდა ფარნაოზის დარდთან.

— ვგონებ, კათათვის მიწურულეებში იყო თუ მარიამობის პირველებში, სთქვა მებღებმა, — ბატონს მოველოდდი ვენახში. მინდოდა რითიმე მესიამოვნებინა მისთვის და ბადე წავიღე მტკვარზე. ფონი ხომ იცით, გადღმა რომ ფონია? ჰო და იმ ფონის ქვეით მორევი ტრიალებს ნაპირს ახლო. იმ მორევი ვერსოდი ბადეს. ვნახოთ, ფონს მოადგა ორი შეიარაღებული ცხენოსანი.

— როგორ ცხენებზე ისხდნენ? — ჰკითხა მოუთმენლად ფარნაოზმა.

— წითელ ცხენებზე ისხდნენ, ღიად, სწორეთ წითელ ცხენებზე.

— მწყემსებმაც ვერც მითხრეს, სთქვა ფარნაოზმა. — იმას მოგახსენებდით: მოადგა ორი ცხენოსანი მტკვარს. ერთს ნაბადი ჰქონდა მოგდებული. გამიკვირდა, ამ სიტყვში ნაბადი რალად უნდა მეთქი. შედგენენ ფონის პირს, აურ-ჩაუარეს. მოიხსნა ნაბადი. უკან ქალი სჯდომოდა.

— ქალი?!

— ღიებ! კარგად დავინახე, რომ ქალი იყო. ქალს ხელები ვაჟაკის სარტყელში ჰქონდა ჩაკრული. გადაყარეს ცხენები წყალში. ცოტა მოდიდებული იყო და გამიკვირდა, რომ გაბედეს. თავები და უჩანდათ ცხენებს. ალბათ გაჭირვებულნი არიან და ეჭვარებიან მეთქი, ვიფიქრე. სწორეთ საცოლოე მოუტაცნია ჰაბუქს და მარჯვეთ დააღწია მეთქი მღევარს თავი. გულში შევაქე მისი გაბედულობა, გამარჯვება ვუსურვე.

— სწორეთ არსიანელის ქალი იქნებოდა! — სთქვა მეორემ. ფარნაოზი ყურადღებად იყო გადაქცეული. რალაც იმედი დაებადა, ნუგეშის მაგვარი მოძრაობა იგრძნო გულში.

— არ არის მკვდარი! — გაიფიქრა იმან. — თუ მოკვლა სდომებოდათ, გზაზევე მოჰკლამდნენ ტბის ყურში სადმე და მისი პოვნა იმ ფლატეებში შეუძლებელი არ იქნებოდა. არც თათრებზეა გაყიდული: მაშინ ქვეით უნდა წაეყვანათ, ალგეთისაკენ. სწორეთ ცოცხალია ისევ და საქართველოში... მაგრამ თუ სხვასა ჰყავს, თუ სხვამ დისაკუთრა იგი ძალით? — გაიფიქრა ფარნაოზმა და სევდის ცეცხლით ჩაინავლა ადგილობრივ.

მეორე დღეს ფარნაოზმა ნახა ის ადგილი, გაჩხრიკა ყველაფერი ახლო-მახლო და იმავე ფონით გავიდა მტკვრის გაღმა.

(შემდეგი იქნება)

ვ. ბარნოვი.


უკრაინელთა პოეტი შევჩენკო.

ყოველ წელიწადს 25 თებერვალს უკრაინელები (მალო-როსები) იგონებენ თავიანთ დიდებულ სახალხო პოეტს ტარას შევჩენკოს. ეს დღე შევჩენკოს დაბადების დღეა და იგი უკრაინელებისათვის ეხლა საერო დღესასწაულად ითვლება. წელსაც უკრაინელებმა დიდის ამბით გაიხსენეს თავიანთი საყვარელი მგოსანი.

ტარას შევჩენკო დაიბადა 1814 წელს 25 თებერვალს. იგი ყმა გლეხის შვილი იყო. მისი ან-ბანის მასწავლებელი სოფლის დიაკვანი იყო. პატარა ტარასი, როგორც ყმა, ბატონის კარზე მსახურებდა. ბატონმა ტარასი პეტერბურგს გაჰგზავნა და იქ ერთს მღებავს მიაბარა ხელობის შესასწავლად. ტარასიმ პატარაობაში ხატვის ნიჭი გამოიჩინა. ბატონმა უფრო იმიტომ მიაბარა მღებავს, რომ ხატვასაც ისწავლის და გამოამადებო. პეტერბურგში შევჩენკო დაუახლოვდა უკრაინელებს და იმათისა და პოეტ ჟუკოვსკის დახმარებით 1838 წელს 2500 მანეთით თავი გამოისყიდა ბატონისაგან. შემდეგ შევჩენკო სამხატვრო აკადემიაში შევიდა, მაგრამ მხატვრის ნაცვლად დიდებული პოეტი გამოვიდა.

1847 წელს შევჩენკო დააბატონრეს საიდუმლო საზოგადოებაში მონაწილეობისათვის და გაჰგზავნეს ორენბურგის გუბერნიაში, ხოლო იქიდან ნოვო-პეტროვსკის ციხეში, სადაც ათი წელიწადი იყო გამოაწყვდეული. პოეტი გარდაიცვალა 1861 წელს პეტერბურგში.

ლექსების წერა შევჩენკომ ძალიან ადრე დაიწყო, მაგრამ მისი ნაწერები სულ ბოლო დრომდე აკრძალული იყო. ხუთი წლის შემდეგ ასი წელიწადი სრულდება, რაც შევჩენკო დაიბადა. მთელი უკრაინა დიდის ამბით ემზადება ამ დღესასწაულისთვის. აპირებენ დიდებულ ძეგლის დადგმას. 30 ათასი მანეთი უკვე შეკრებილია ძეგლისთვის.



თავისუფლება კრებისა

მესამე სათათბიროს მიერ შემუშავებული კანონით.